



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 19. Gastonis matrimonium cum Margaretha Lotharingia a Clero Gallicano & Parisiensi Senatu irritatum.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII. quo damnarentur illi, quos non ad
A. C. 1631. ditos Senatus damnare recufabat.

§. XIX.

Gastonis matrimonium cum Margaretha Lotharingia a Clero Gallicano & Parisensi Senatu irritatum.

*Hist. du Par-
lem. c. 51.
Calmet Hist.
de Lorraine
tom. 3. l. 34.
pag. 211.*

Quamprimum Gasto Aurelianensis Dux Nanceium venerat, Carolo Lotharingiæ Duci omne obsequium offerebat, utque arctiori amicitiae vinculo eum sibi obstrictum redderet, Margaretham illius Sororem sibi in uxorem tradi petebat. Annuebat ipsamet Gastonis Mater, hancque in rem Patri Chantelobio Oratorii Presbytero, qui Gastonem Parisios comitabatur, literas materni sui consensus testes submittebat, amplam quoque dotem pollicita: cuncta tamen consilia dissipabat Richelius, qui nomine Regis, misso Guronio ex Carolo Duce sciscitabatur, quorsum ingens hic belli apparatus spectaret, & utrum Sororem suam Gastoni desponsare intenderet? Carolo autem, quod arma contra Suecum pararet, rumor vero de nuptiis falsus esset, respondente, Guronius Regis nomine præcepit, ut Carolus confestim trans Rhenum rediret.

direct, secus, ipsemet Rex cum valido exercitu nuptiis interfuturus esset. In hac rerum vicissitudine Carolus copias suas in Cæsaris opem ducere statuit; Gasto autem, ne Regis fratris sui arma in Lotharingiam evocaret, inde in Belgium secessit: Nihilominus tamen Ludovicus Rex Vicum, & Mediovicum urbes conspirante Carolo a Cæsareis præfidiariis fuisse munitas indignatus, die decima Decembris valido exercitu stipatus, utraque urbe in deditiorem accepta, Metas contendit. Interim vero Gasto matrimonium suum perficere festinabat, hancque in rem Obazinum Abbatem Romam decernebat, qui connubii pacta summo Pontifici exponeret, legisque veniam impetraret. Urbano autem responsum differente Franciscus Lotharingus Cardinalis Tulensis Episcopus solemni futuri matrimonii promulgatione condonata, P. Albino Telliero, aliisque duobus Religiosis has nuptias solemni precatione conjungendi facultatem demandavit, prout & die decima tertia Januarii factum est. Die autem trigesima Maji Gasto datis literis Regem fratrem suum de contracto matrimonio certiore reddidit, cui etiam Rex respondit, suamque epistolam typis edidit. Porro hoc connubium ingenti

Sæc. XVII. sollicitudine perculerat Richelii Cardinis
 A. C. 1631. nalis animum; Reginam enim Matrem
 ejus Filium, necnon Lotharingæ Ducem sibi adversaturos præsenferat; quocirca nil intentatum reliquit, ut has nuptias omnino irritas declarari, & Clero, Senatueque impetraret: Hanc in rem Rex Metensi Senatu in mandatis dedit, ut de hoc matrimonio, quod *raptum* appellitabat, juxta legum severitatem cognosceret, pariterque Clero Gallicano in Parisiensibus comitiis congregato discutiendum committeret, utrum Princeps Regni hæres sine Regis consensu connubium valide inire possit? Igitur Præfules, Socii bonæ Doctorum, FF. Prædicatorum, Augustinianorum, Carmelitarum, Franciscanorum, Jesuitarum, Patrum Oratorii, Carmelitarum Discalceatorum, Capuccinorum, Minimorum, aliorumque Theologorum sententias rogabant, ac tandem discussis Regni legibus, & Doctorum sententiis declarabant, quod Regni consuetudo, vi cujus Regiæ stirpis Principes, Rege non consentiente, aut omnino invito & prohibente, valide contrahere non valerent, sit ratio consona, per legitimam & diuturnam præscriptionem, necnon Ecclesiæ auctoritatem firmata: Econtrario autem Lovanienses Doctores Gastonis connubium

nubium omnino validum esse decide- Sæc. XVII.
 bant, eoquod a Principe viduo, & A.C. 1631.
 viginti quinque annos nato, qui sui juris
 erat, consentiente ipsa Sponsa & Spon-
 sæ Patre in Patris domo servatis ser-
 vandis contractum esset, aliunde Ma-
 trimonium prout est *Sacramentum*, hu-
 mano iudicio non sit subjectum, & tan-
 quam *contractus civilis* omnium Natio-
 num legibus firmetur: proin si ut irri-
 tum declareretur, exin funestissimum
 bellum civile oriri posset, eoquod si ex
 hoc Gastonis connubio Filius nascere-
 tur, hic ab omnibus Europæ Nationi-
 bus, summoque Pontifice, imo a Gal-
 lorum non paucis, Ludovico sine pro-
 le defuncto, tanquam legitimus hæres,
 a Gallis vero quibusdam pro spurio ha-
 beretur: Nihilominus Clerus Gallica-
 nus die septima Julii in suis comitiis
 legem promulgabat, qua inhibitum, ne
 Regni hæredes sine Regio consensu ma-
 trimonia inirent. Decernebatur quo-
 que Romæ Montpeffulanus Episcopus,
 qui hanc Cleri decisionem a summo
 Pontifice ratam haberi impetraret: Ve-
 rum Papa politicam legem ad Ecclesia-
 sticam evehere recusans, Gastonis ma-
 trimonium omnino validum declarabat,
 reclamante Parisiensi Senatu. Nihilo-
 minus Gasto cum Sponsa sua in Bel-
 gium profectus, ibidem in Ecclesia Ca-
 thedra-

Sæc. XVII.
A.C. 1631.

thedrali Mechliniensi matrimonium suum publica solemnitate ratum habuit, inde vero in Occidaniam reversus contra Fratrem suum copias contraxerat, prælio autem devictus, & a suis per derelictus duris conditionibus veniam impetravit, tandem vero ipsemet Re progressu temporis Fratris sui matrimonium consensu suo firmavit.

§. XX.

Bernabitarum Collegium scholasque aperturæ a Parisina Universitate prohibiti.

*Argentre
Concl. Facult. Paris.
t. 2. p. 318.*

Jam ante aliquot annos Cleri Regularis ex Congregatione sancti Pauli qui vulgo *Bernabitarum* dicuntur, in suburbio sancti Marcelli domum erexerant, postquam vero Parisiensis Archiepiscopus eisdem insuper Ecclesiam S. Eligii unacum annexis ædibus concesserat Universitas Parisiensis, ne Scholam perirent, verita, unacum Parochia Parisinis regium Senatum convenit suppliciter, ut hi Regulares coram aede iussi, novas has ædes retinere, ac Collegium erigere prohiberentur, simulque Presbyteris sæcularibus, ne præfatæ Ecclesiæ claves his Religiosis traderent, & cunctis opificibus interdiceretur, ne ad Bernabitarum iussa quæ